

(„Službeni glasnik BiH“, broj: 39/11, Ponedjeljak, 23. maja 2011. godine)

Na osnovu člana 24. stav (1) Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu ("Službeni glasnik BiH", broj 48/10) i na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva komunikacija i prometa Bosne i Hercegovine i Agencije za identifikaciona dokumenta, evidenciju i razmjenu podataka Bosne i Hercegovine, Vijeće ministara Bosne i Hercegovine, na 149. sjednici održanoj 27. aprila 2011. godine, donijelo je

**ODLUKU
O VISINI NAKNADE ZA IZRADU MEMORIJSKIH KARTICA ZA DIGITALNI TAHOGRAF**

Član 1.

(Predmet Odluke)

Ovom odlukom propisuje se visina naknade za izradu memorijskih kartica za digitalni tahograf.

Član 2.

(Visina naknade za izradu memorijskih kartica)

Visina naknade za izradu svih vrsta memorijskih kartica za digitalni tahograf predviđenih članom 21. stav (1) Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu ("Službeni glasnik BiH", broj 48/10) utvrđuje se u iznosu od po **90,00 KM**.

Član 3.

(Uplata sredstava)

Sredstva uplaćena na ime naknade iz člana 2. ove odluke predstavljaju prihod Budžeta institucija Bosne i Hercegovine i međunarodnih obaveza Bosne i Hercegovine.

Član 4.

(Nadležnost za realizaciju)

Za realizaciju ove odluke zadužuje se Ministarstvo komunikacija i prometa Bosne i Hercegovine i Ministarstvo finansija i trezora Bosne i Hercegovine.

Član 5.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 54/11
27. aprila 2011. godine
Sarajevo
Predsjedavajući
Vijeća ministara BiH
Dr. Nikola Špirić, sč. r.